

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koje zastupa i predstavlja ministrica mr. Zineta Bogunić (u daljem tekstu: Ugovorni organ)

2. „CENTROTRANS – EUROLINES“ d.d. Sarajevo, ulica Kurta Schorka broj 14, ID broj: 4200153220003 kojeg zastupa direktor mr. sci. Safudin Čengić (u daljem tekstu: Pružalac usluga)

zaključili su dana, 07.02.2020. godine u Sarajevu:

UGOVOR O PRUŽANJU USLUGA PREVOZA UČENIKA ŠESTIH RAZREDA OSNOVNIH ŠKOLA SA PODRUČJA KANTONA SARAJEVO ZA POTREBE REALIZACIJE „ŠKOLA SKIJANJA“

Ugovor se zaključuje na osnovu Okvirnog sporazuma o nabavci usluga prevoza učenika šestih razreda osnovnih škola sa područja Kantona Sarajevo za potrebe realizacije „Škola skijanja“, broj: 11/07-11-516-6/20 od 05.02.2020. godine.

Član 1.

Predmet ovog Ugovora je pružanje usluge – **prevoz učenika šestih razreda osnovnih škola sa područja Kantona Sarajevo za potrebe realizacije „Škola skijanja“**, a u svemu prema Okvirnom sporazumu o nabavci usluga prevoza učenika šestih razreda osnovnih škola sa područja Kantona Sarajevo za potrebe realizacije „Škola skijanja“, broj: 11/07-11-516-6/20 od 05.02.2020. godine i prihvaćenoj Ponudi Pružaoca usluga broj: 1/267/20 od 29.01.2020. godine, koja čini sastavni dio ovog Ugovora.

Član 2.

Ugovorni organ naručuje predmetnu uslugu, a Pružalac usluga prihvata da vrši uslugu, na osnovu provedenog otvorenog postupka javne nabavke i Odluke Ugovornog organa o izboru najpovoljnijeg ponuđača.

Član 3.

Ugovorne strane su saglasne da Pružalac usluga za potrebe Ugovornog organa, u periodu od 10.02.2020. godine do 29.02.2020. godine, izvrši prevoz učenika prema pisanoj narudžbenici iz člana 8. Okvirnom sporazumu o nabavci usluga prevoza učenika šestih razreda osnovnih škola sa područja Kantona Sarajevo za potrebe realizacije „Škola skijanja“, broj: 11/07-11-516-6/20 od 05.02.2020. godine, u skladu sa cijenom iz prihvaćene Ponude Pružaoca usluga iz člana 1. ovog Ugovora. Pružalac usluga će iste pružiti i izvršiti u skladu sa uslovima i na način definisan u Okvirnom sporazumu iz člana 1. ovog Ugovora.

Član 4.

Ugovorna cijena, odnosno ukupna vrijednost Okvirnog sporazuma za usluge iz člana 1. ovog Ugovora iznosi **100.000,00 KM bez PDV-a**, a Ugovorni organ zadržava pravo potpune ili djelimične realizacije nabavke predmetnih usluga. Cijena za kompletnu uslugu je utvrđena na osnovu fiksnih jediničnih cijena iz priloga ovog Ugovora (Obrazac za cijenu ponude) i ne može se mijenjati.

Član 5.

Ugovorni organ će plaćanje izvršenih ugovorenih usluga izvršiti u roku od 30 (trideset) dana od dana ispostavljanja fakture za izvršene usluge. Naknadu za izvršene usluge, Ugovorni organ je dužan uplatiti na transakcijski račun Pružaoca usluga broj: 3383202251241969 otvoren kod Unicredit banke. Pružalac usluga je saglasan da Ugovornom organu neće zaračunavati zatezne kamate za zakašnjenje pri plaćanju preko „Trezora“, ako je Ugovorni organ u ugovorenom roku predao

... analog za plaćanje, a Pružalac usluga primini uplatu s odgodom od jednog ili više dana od
... ugovorenog roka iz stava 1. ovog člana.

Član 6.

Ugovorne strane su saglasne da će eventualne sporove proizašle iz ovog Ugovora nastojati rješavati dogovorno u duhu dobrih poslovnih običaja, sporazumno, u pisanoj formi.

U slučaju da se spor ne može riješiti sporazumno, ugovorne strane će spor rješavati kod nadležnog suda u Sarajevu.

Član 7.

Svaka od ugovornih strana može otkazati ovaj Ugovor pismenim putem uz otkazni rok od 15 dana iz svih razloga propisanih Zakonom o obligacionim odnosima.

Član 8.

Ovaj Ugovor stupa na snagu danom potpisivanja obje ugovorne strane.

Član 9.

Ovaj Ugovor je sastavljen u 4 istovjetna primjerka, a svaka od ugovornih strana zadržava po 2 primjerka.

PRUŽALAC
DIREKTOR




mr. sci. Safudin Čengić

Broj: 11/967/20

Datum: 12.02.2020

UGOVORNI ORGAN
MINISTRICA



Mr. Zineta Bogunić

Broj: 11/07-11-516-7/20

Datum: 07.02.2020. godine

